

大清會典


五十八





庫文閣內		漢書
函	冊	號
二	四	一八九九
架	冊	號

庫文閣內		漢書
函	冊	號
五	一	一八九九
架	冊	號

內閣文庫		
番號	漢	1899
冊數	141 (58)	
函號	295	1







大清會典卷之六十四

禮部二十

淺草文庫

羣祀二

先師孔子

崇德元年遣官致祭

孔子廟以顏子曾子子思子孟子配享○五年定
每年二月八月上丁日行釋奠禮以為常

順治二年定。

文廟諡號稱為

大成至聖文宣先師孔子之位二月上丁致祭遣

大臣一員行禮翰林院官二員分獻國子監堂

官祭

啓聖公於後殿。是後每年二月八月上丁日致祭。

如遇有事。改次丁日。或下丁日。以先賢先儒配祀。從祀。通行府

州縣衛各學。一體遵行。其遣官事宜。禮部題請

今由太常寺○十四年。議改諡號爲

至聖先師孔子神位。凡府州縣衛各學。俱用新牌

一正殿。安設

至聖先師孔子神位。正中南向

四配

復聖顏子

述聖子思子

在殿內東旁西向

宗聖曾子

亞聖孟子

在殿內西旁東向

十哲

先賢閔子

名損

先賢冉子

名雍

先賢端木子

名賜

先賢仲子

名由

先賢卜子

名商

在殿內次東旁西向

先賢冉子

名耕

先賢宰子

名予

先賢冉子

名求

先賢言子

名偃

先賢顓孫子

名師

在殿內次西旁東向

東廡

先賢澹臺滅明

先賢原憲

先賢南宮适

先賢商瞿

先賢漆雕開

先賢司馬耕

先賢有若

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容蒧

先賢顏祖

先賢句井疆

先賢秦祖

先賢縣成

先賢公祖句茲

先賢燕伋

先賢樂欬

先賢狄黑

先賢孔忠

先賢公西蒧

先賢顏之僕

先賢施之常

先賢申枏

先賢左丘明

先賢張載

先賢程頤

先賢朱熹

先儒穀梁赤

先儒伏勝

先儒后蒼

會典卷之十四

二

會典卷之十四

三

先儒董仲舒

先儒王通

先儒司馬光

先儒胡瑗

先儒羅從彥

先儒呂祖謙

先儒蔡沈

先儒許衡

先儒王守仁

先儒陳憲章

先儒胡居仁

西廡

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢梁鱣

先賢冉孺

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄒單

先賢罕父黑

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢周敦頤

先賢程顥

先賢邵雍

先儒公羊高

先儒孔安國

先儒毛萇

先儒高堂生

先儒杜子春

先儒韓愈

先儒歐陽脩

先儒胡安國

先儒楊時

先儒李侗

先儒張栻

先儒陸九淵

先儒真德秀

先儒薛瑄

按先賢先儒位次。闕里志所載。及順天府直隸府州縣衛各學。俱照時代為位次。茲據國子監兩廡具載

一正位陳設

禮神制帛一

白色

白磁爵三

牛一

羊一

豕一

登一

鉶二

簋二

籩二

豆十

酒罇一

一四配位陳設

每位

禮神制帛一

白色

白磁爵三

羊一

豕一

劔一 簋二 盞二 籩八 豆八 酒罇一

一十哲陳設案五

東五位

禮神制帛一 白色 白磁爵各一 豕一

劔各一 簋各一 盞各一 籩各四 豆各

四 豕首一

西五位 與東五位陳設同

一東廡陳設

禮神制帛一 白色 銅爵各一 豕三

每案簋一 盞一 籩四 豆四

一西廡陳設 與東廡同

一前期禮部題請遣正殿承祭官一員及分獻

官二員 今由太常寺

一前期二日太常寺官具補服至犧牲所省牲

一前期二日各衙門設齋戒牌承祭官分獻官

及滿洲蒙古漢軍文官三品以上漢文官五品

以上滿漢武官二品以上六科給事中各在本

家致齋二日

一前期一日禮部用白紙糊版黃紙鑲邊墨書

祝文太常寺官具補服捧祝版御仗一對前導

送至

文廟神庫黃案上安設。一跪三叩頭。退

今由太常寺

一前期一日。承祭官率禮部都察院太常寺光祿寺國子監官具朝服。上香。監視宰牲。併瘞毛血。

一前期一日。

正殿承祭官上香

一前期一日。太常寺官舉祝案。送致齋所。承祭官視畢。太常寺官至前後殿安設。一跪三叩頭。退

一正祭日。分獻陪祀各官入兩旁門序立。太常寺贊引官對引官導承祭官至盥洗處盥手畢。引至臺階下立。典儀唱樂舞生就位。執事官各司其事。分獻官陪祀官各就位。武舞生引進贊引官

贊就位。承祭官就拜位立。分獻官隨後立。典儀唱迎神。協律郎唱舉迎神樂。奏咸平之章。樂作。贊引官贊跪。叩。興。承祭官陪祀官分獻官俱行三跪九叩頭禮。興。樂止。典儀唱奠帛。行初獻禮。協律郎唱舉初獻樂。奏寧平之章。樂作。贊引官贊陞壇。導承祭官由東階上。進殿左門。贊引官

贊詣

至聖先師孔子位前。承祭官至案前立。贊引官贊跪。叩。興。承祭官行一跪一叩頭禮。興。贊引官贊奠帛。捧帛官以帛跪進。承祭官接帛拱舉立獻畢。贊引官贊獻爵。執爵官以爵跪進。承祭官接爵拱舉立獻畢。行一跪一叩頭禮。興。贊引官贊詣讀祝位。承祭官詣讀祝位立。讀祝官至祝案前。一跪三叩頭。捧祝版立於案左。樂止。贊引官贊跪。承祭官。讀祝官。陪祀各官。俱跪。贊引官贊讀祝。讀祝官讀畢。捧祝版至。

正位前案上。跪安帛匣內。三叩頭退。樂作。贊引官贊叩。興。承祭官及各官。行三叩頭禮。興。贊引官贊詣

復聖顏子位前。承祭官就案前立。贊引官贊跪。叩。興。承祭官一跪一叩頭。興。贊引官贊奠帛。捧帛官跪進於案左。承祭官接帛拱舉立獻案上。贊引官贊獻爵。執爵官跪進於案左。承祭官接爵拱舉立獻案上。行一跪一叩頭禮。興。贊引官詣宗聖曾子位前。獻帛獻爵如前儀。贊詣述聖子思子位前。獻帛獻爵如前儀。贊詣

亞聖孟子位前獻帛獻爵如前儀其十哲分獻官

翰林院

陞壇奠帛獻爵俱照承祭官行禮兩廡

分獻官

國子監

亦照承祭官行禮畢贊引官贊

復位承祭官分獻官各復位立樂止典儀唱行

亞獻禮協律郎唱舉亞獻樂奏安平之章樂作

贊引官贊陞壇獻爵於左如初獻儀贊引官贊

復位承祭官分獻官各復位立樂止典儀唱行

終獻禮協律郎唱舉終獻樂奏景平之章樂作

贊引官贊陞壇獻爵於右如亞獻儀贊引官贊

復位承祭官分獻官各復位立樂止典儀唱飲

福受胙贊引官贊詣受福胙位承祭官至殿內

立捧酒胙官二員捧酒胙至

正位案前拱舉至飲福胙位右旁跪接福胙官二

員在左旁跪贊引官贊跪承祭官跪贊飲福酒

承祭官受爵拱舉授接爵官贊受胙承祭官受

胙拱舉授接胙官贊引官贊叩興承祭官三叩

頭興贊復位承祭官復位立次行謝福胙禮贊

引官贊跪叩興承祭官分獻官及陪祀各官俱

行三跪九叩頭禮典儀唱徹饌協律郎唱舉

徹饌樂奏咸平之章樂作徹訖樂止典儀唱送

神。協律郎唱舉送神樂。奏咸平之章。樂作。贊引
官贊跪。叩。興。承祭官。分獻官。及陪祀各官。皆行
三跪九叩頭禮。興。樂止。典儀唱捧祝帛饌。各恭
詣燎位。捧祝官。捧帛官。至各位前。一跪三叩頭。
捧起。祝文在前。帛次之。捧饌官跪。不捧起在後。
俱送至燎位。承祭官退至西旁立。候祝帛饌過。
仍復位立。典儀唱望瘞。協律郎唱舉望瘞樂。與
神同樂作。贊引官贊詣望瘞位。導承祭官至瘞位
立。祝帛焚半。贊禮官贊禮畢。退

一 祝文

維

年歲次

月

日

皇帝遣

致祭於

至聖先師孔子曰。惟

師德配

天地。道冠古今。刪述六經。垂憲萬年。茲當仲春。秋。祇奉舊

章。謹以牲帛。酒果致祭。配以

復聖顏子。

宗聖曾子。

述聖子思子。

亞聖孟子。尚

饗。

一樂章

迎神樂奏咸平之章

大哉

至聖。峻德弘功。敷文衍化。百王是崇。典則有常。照
茲辟雍。有虔簠簋。有嚴鼓鍾。

初獻樂奏寧平之章

覺我生民。陶鑄前聖。巍巍泰山。實予景行。禮備
樂和。豆籩惟靜。既述六經。爰斟三正

亞獻樂奏安平之章

至哉

聖師。天授明德。木鐸萬世。式是羣辟。清酒維醕。言
觀秉翟。太和常流。英才斯植

終獻樂奏景平之章

猗歟

素王。示予物軌。瞻之在前。神其寧止。酌彼金罍。惟
清且旨。登獻既終。弗遐有喜

徹饌樂奏咸平之章

璧水淵淵。崇牙業業。既歆

宣聖。亦儀十哲。聲金振玉。告茲將徹。駿假有成。羹

牆靡愒

送神樂奏咸平之章

煌煌學宮。四方來宗。甄陶胄子。暨予微躬。思皇多士。膚奏厥功。佐予永清。三五是隆。

一後殿安設

啓聖公孔氏正中南向

配位

先賢顏氏

無繇

先賢孔氏

鯉

在殿內東旁西向

先賢曾氏

點

先賢孟孫氏

在殿內西旁東向

一東廡安設

先儒周輔成

先儒朱松俱西向

一西廡安設

先儒程珦

先儒蔡元定俱東向

一正位陳設

禮神制帛一 白色 白磁爵三 羊一 豕一

鉶一 簋二 簠二 籩八 豆八 酒樽一

一配位陳設

每位一案

禮神制帛二 白色 豕首一 每位銅爵三 簋

一 簋一 籩四 豆四 豕肉一

一 兩廡陳設

禮神制帛二 每位銅爵三 簋一 籩一

籩四 豆四 豕肉一

一 正祭日贊引官對引官引

後殿承祭官進左門。至盥洗處。盥手畢。典儀唱執事官各司其事。贊引官贊就位。承祭官就位立。典儀唱迎神。贊引官贊跪。叩。興。承祭官行三跪九叩頭禮。興。典儀唱奠帛。行初獻禮。贊引官贊陞壇。承祭官進殿左門。贊引官贊詣

啓聖公孔氏神位前。承祭官就位前立。贊引官贊跪。承祭官行一跪一叩頭禮。興。贊引官贊奠帛。捧帛官跪進。承祭官接帛拱舉立獻畢。贊獻爵。執爵官跪進。承祭官接爵拱舉立獻畢。行一跪一叩頭禮。興。贊引官贊詣讀祝位。承祭官詣讀祝位立。讀祝官至祝文案前。一跪三叩頭。捧祝版立於案左。贊引官贊跪。承祭官讀祝官俱跪。贊引官贊讀祝。讀祝官讀畢。捧祝版跪安案上。帛匣內。三叩頭退。贊引官贊叩興。承祭官行三叩頭禮。興。贊引官贊詣

先賢顏氏位前。承祭官就位立。贊引官贊跪。承祭官行一跪一叩頭禮。興。贊奠帛。捧帛官跪進。承祭官接帛拱舉立獻畢。贊獻爵。執爵官跪進。承祭官接爵拱舉立獻畢。行一跪一叩頭禮。興。贊引官贊詣。

先賢曾氏位前。次詣

先賢孔氏位前。次詣

先賢孟孫氏位前。奠帛獻爵如前儀。畢。贊引官贊復位。承祭官復位立。典儀唱行亞獻禮。獻爵於左。與初獻同。典儀唱行終獻禮。獻爵於右。與亞

獻同。典儀唱徹饌。唱送神。贊引官贊跪。叩。興。承祭官行三跪九叩頭禮。興。典儀唱捧祝帛。饌各恭詣燎位。捧祝帛官至位前。一跪三叩頭。捧祝帛起。捧饌官跪。叩。捧饌起。依次送至燎位。承祭官退至西旁立。候祝帛饌過。仍復位立。典儀唱望瘞。贊引官贊詣望瘞位。承祭官至瘞位立。焚祝帛。贊引官贊禮畢。退。

一祝文

維 年歲次 月 日

皇帝遣 致祭於

啓聖公孔氏曰。惟

公誕生至聖。爲萬世王者之師。功德顯著。茲因仲秋

謹以庶品之儀致祭。配以

先賢顏氏

曾氏

孔氏

孟孫氏尙

饗

釋菜儀

順治元年定。每月初一日。祭

文廟。行釋菜禮。先期。典簿廳移文太常寺。取祭品。

菜棗栗
併酒

及香燭。至期。祭酒率監丞博士助教以

下等官。八旗教習。及監生。皆從。祭酒詣致齋所。

更朝服。引贊導由東角門入。詣階下。引贊贊排

班。班齊。贊就位。贊跪。叩。行禮畢。引贊導詣盥洗

所盥手。再詣酒尊所。司尊者舉梟酌酒。執爵者

由中道上。引贊導祭酒由東階升。從殿東門入。

引贊贊詣

至聖先師神位前跪。初獻爵。亞獻爵。終獻爵。俯伏。

興。引贊贊詣

四配神位前。行三獻禮。如前儀。各引贊引分獻官
詣

十哲兩廡神位前。行分獻禮。如前儀。畢。引贊導各
官由殿西門出。至西階下。各就位。引贊贊跪。叩。
行禮畢。導從西角門出。禮生導祭酒詣

啓聖祠行禮。分獻官亦隨行禮。次詣土地祠行禮
畢。鳴鐘。各退。

每月十五日。司業行香。監生俱於黎明入

廟列班。各禮生供事。司業至。守廟官迎候。禮生導
引由東角門入。贊排班。班齊。贊跪。叩。行禮畢。導

由西角門出。次詣

啓聖祠行禮。次詣土地祠行禮。俱如朔日儀
每三年。

殿試臚唱後。擇吉日。各進士詣

文廟行釋菜禮。是日清晨。狀元率諸進士。至集賢
門外下馬。入持敬門東角門。至

先師殿前。通贊贊排班。班齊。贊就位。行謁見禮畢。
狀元行釋菜禮。引贊贊詣盥洗所。再詣酒尊所。
司尊者舉鼻酌酒。詣



至聖先師孔子神位前。三獻爵。俯伏。興。次詣

四配神位前。獻爵如前儀。通贊唱行分獻禮。引贊引一甲第二第三名分詣

十哲神位前。又引二甲三甲第一名詣

兩廡神位前。各分獻如前儀。畢。引贊贊復位。通贊贊行禮畢。由西角門出。釋褐畢。候祭酒司業升堂。狀元率諸進士。由東角門入。至階下序立。曾入監者。升露臺四拜。起立臺西。未入監者。露臺下兩拜。祭酒司業俱坐受。禮畢。一甲三名。由堂東門入。執事者設食案於座前。兩廡官下座面南立。一甲三名面北立。執事者簪花斟酒。向兩廡官揖。飲酒三爵。出兩廡官送及堂門限內。諸進士由堂西門入。聽堂官接待。簪花飲酒如前儀。畢。聽堂官送出堂門外。禮畢。


文廟總圖




皇朝文獻通考

卷之二十四













文廟祭祀圖




文廟正壇陳設圖



會典卷六十四

十九



四配陳設圖






會典卷六十四

二十











十哲陳設圖






會典卷六十四

三







兩廡陳設圖




會典卷六十四

二十三



啓聖祠祭祀圖




會典卷六十四

二十三




啓聖祠正壇陳設圖




會典卷六十四

二十四




啓聖祠
四配陳設圖



簋

黍






棗



籩栗

脯鹿

猪



銅和羹




簋稻




菹芹




豆菹韭




醢兔




醢醢



菹笋



菹菁



醢魚



醢鹿



梁

筐







豕



兩廡陳設圖





簋










會典卷六十四

二十六



簋





簋 稷

肉 猪

菹 菁

醢 鹿

豆 菹 芹

醢 兔



闕里祀儀

康熙二十三年

皇上親詣闕里致祭

先師孔子前期太常寺題請啓聖祠遣官四配十

哲兩廡分獻官及讀祝官祝文由內閣撰擬發

太常寺用白紙糊版黃紙鑲邊墨書不填

御名太常寺官具補服捧送廟中安設其香帛爵出

太常寺預備祭品由地方官預辦所奏樂用本

處樂章凡各

神位前供品樂器等項俱與國學

文廟春秋二祭同。至期禮部太常寺堂官奏請
 皇上躬詣行禮。扈從王等內大臣侍衛文武官三品
 以上地方文官知府武官副將以上衍聖公及
 五氏有頂帶官員俱補服陪祀其餘扈從及地
 方文武各官俱補服於
 行宮兩旁排班候
 駕出跪送。

上具補服陞輦儀仗全設進曲阜南門詣奎文閣前
 降輦贊引官對引官導

上由甬道旁行至大成殿拜位前立典儀唱樂舞生
 就位執事官各司其事贊引官奏就位。

上就拜位立典儀唱迎神協律郎唱舉迎神樂奏咸
 平之章樂作贊引官奏跪叩興。

上行三跪九叩頭禮興王以下陪祀各官及分獻官
 俱隨行禮畢典儀唱奠帛行初獻禮捧帛官捧
 爵官前進向西立協律郎唱舉初獻樂奏寧平
 之章樂作捧帛官跪於

上右贊引官奏獻帛。

上接帛拱舉仍授捧帛官捧帛官跪接捧至
 先師位前跪奠畢三叩頭退捧爵官跪於

上右贊引官奏獻爵。

上接爵拱舉。仍授捧爵官。捧爵官跪接。捧至

先師位前立獻畢。退。次讀祝官。至祝版案前。一跪

三叩頭。捧祝文至案左立。樂止。贊引官奏跪。

上跪。王以下陪祀各官。及分獻官。讀祝官。俱跪。贊引

官贊讀祝。讀祝官讀畢。捧版至

先師位前。跪安帛匣內。三叩頭退。樂作。贊引官奏
叩。興。

上行三叩頭禮。興。王以下陪祀各官。及分獻官。俱隨
行禮。其分獻各官。依序引至四配十哲兩廡各

神位前立。獻帛爵畢。各復位。樂止。典儀唱行亞獻

禮。捧爵官前進。向西立。協律郎唱舉亞獻樂。奏

安平之章。樂作。捧爵官跪於

上右。贊引官奏獻爵。

上接爵拱舉。仍授捧爵官。捧爵官跪接。獻爵於右退。

分獻官各獻爵如初。獻儀。獻畢。樂止。典儀唱行

終獻禮。捧爵官前進。向東立。協律郎唱舉終獻

樂。奏景平之章。樂作。捧爵官跪於

上左。贊引官奏獻爵。

上接爵拱舉。仍授捧爵官。捧爵官跪接。獻爵於左。退。

分獻官各獻爵如亞獻儀。獻畢。樂止。樂舞生引退。典儀唱徹饌。協律郎唱舉徹饌樂。奏咸平之章。樂作。樂止。典儀唱送神。協律郎唱舉送神樂。奏咸平之章。樂作。贊引官奏跪。叩。興。

上行三跪九叩頭禮。興。王以下陪祀各官。及分獻官。俱隨行禮畢。典儀唱捧祝帛恭詣燎位。捧祝官。捧帛官。前進。一跪三叩頭。捧起祝帛。出中門。恭詣燎位。

上轉立左旁。俟祝帛過。

上復位立。祝帛焚半。贊引官奏禮畢。

上陞輦。作樂。回。

行宮。不陪祀扈從及地方文武各官。於行宮兩旁跪迎。候。

駕過。各退。

祝文

維康熙

年歲次

月

日

皇帝謹告於

先師孔子曰。仰惟

先師。德侔元化。聖集大成。開萬世之文明。樹百王之儀範。永言光烈。罔不欽崇。朕丕御鴻圖。緬懷至

道。憲章往哲。矩矱前模。夕惕朝乾。覃精思於六籍。居今稽古。期雅化於萬方。繫維典訓之功。實覩又安之效。茲者巡視方國。至於岱宗。瞻望魯郊。爰來闕里。空堂至止。恍聞絲竹之聲。舊寢徘徊。喜動宮牆之色。車服禮器。宛然三代遺風。几杖冊書。夔矣千秋盛蹟。愜明靈之儼在。文治遐昌。肅禋祀以惟虔。精忱庶格。

是日遣官詣

啓聖公祠。供獻行禮。俱與國學春秋二祭同

祝文

維康熙

年歲次

月

日

皇帝遣

致祭於

啓聖公孔氏曰。惟公系本神靈。生稱瓌偉。勇力聞於魯國。皆道德所發。皇政事紀於鄒邦。悉文章所宣著。篤生聖子。代爲帝師。寰宇崇歲祀之儀。不先父食。古今奉斯文之統。共指家傳。茲值東巡。特臨曲邑。溯二千年之教澤。孰非厚德。燕詒垂七十世之孫謀。如見神明陟降。用修彝祭之典。代以扈從之臣。泗水環流。知發源之有自。防山聳峙。占積慶之無疆。牲醴式陳。尙其歆格。

御書萬世師表四字。懸額大成殿中。○又

諭留曲柄黃蓋於殿中。○又頒

御製碑文一通。及

御製闕里詩一首。○又

頒賜衍聖公曲阜知縣。及五經博士。日講四書易

經書經解義各一部。○又

賜衍聖公蟒緞狐裘一領。黑貂褂一領。表裏各五

匹。

賜曲阜知縣。五經博士。及五氏子孫在仕籍者。蟒

緞羔裘各一領。蟒褂各一領。

賜孔氏子孫進士。舉人。貢生。蟒鑲領緞袍各一領。

緞褂各一領。

賜孔氏子孫監生。生員。白金各五兩。曲阜縣康熙

二十四年地丁銀兩盡行

恩免

祭周公儀

康熙二十三年。

上幸闕里。特遣親王。及禮部尙書。致祭周公。祝文用

白紙糊版。黃紙鑲邊。墨書。供品白色禮神制帛

一端。圓降真柱香一炷。細黃速香一觔。白磁爵

三隻。由太常寺預備。羊一。豕一。菓品五。酒罇一。

由地方官備辦。

祝文

維康熙 年歲次 月 日

皇帝遣 致祭於

元聖周公曰。惟

公丕承聖緒。懋敘人倫。光烈觀揚。成一家之繼述。官

禮制作。垂萬世之經常。道闡圖書。探六爻而易


貢。心傳精一。兼三代以訐謨。啓東魯之典型。猶

存故澤。入尼山之夢寐。未墜斯文。朕稽古省方。

瞻言至止。郊原縱目。遙深松栢之思。廟貌崇觀。

爰切奠牆之慕。特申祗薦。代以親藩。惟冀神靈。

尙克歆饗。



大清會典卷之六十四

出京遊學

安東縣

安東縣

